



Luster kommune

Kommunal plan for fysisk aktivitet, idrett og friluftsliv 2024 - 2036

Planperiode 2024 - 2027

Langtidsprogram 2024 - 2036

Handsama:

2024



Kommunal plan for fysisk aktivitet, idrett og friluftsliv 2024 – 2036
Vedteke av Luster kommunestyre 15.02.2024 i K-sak 07/24.

Innhaldet i planen:

A 1	Planprosessen	3
B 1	Resultatvurdering handlingsplan 2016 - 2019	4
C 1	Målet er	6
C 2	Overordna mål med denne planen er:	6
C 3	Kva er fysisk aktivitet, idrett og friluftsliv	6
C 4	Kven har det overordna ansvaret	6
C 5	Nasjonale mål for idrett og fysisk aktivitet	6
C 6	For å kunna nå målet om auka aktivitet	7
C 7	Nasjonale mål for friluftsliv	7
C 8	Luster kommune sine mål for meir fysisk aktivitet	7
C 9	Utfordringar for å nå målet	7
C 10	Bakgrunnen for planen	8
C 11	Overordna planar	8
C 12	Regional anleggsplan for tildeling av spelemidler for Vestland fylke	8
C 13	Planlegging av anlegg for finansiering med spelemidler	9
C 14	Formell godkjenning før byggestart	9
C 15	Sikring av areal for idrett og friluftsliv	10
C 16	Finansiering av anlegg	10
C 17	Anleggsrekneskap utskilt frå den ordinære drifta	10
C 18	Konsekvensar for brot på krav	11
C 19	Drift og vedlikehald	11
C 20	Kommunalt tilskot til drift og mindre vedlikehald	11
C 21	Kommunalt tilskot til rehabilitering	12
C 22	Ansvarsfordeling og brukarmedverknad	12
C 23	Vurdering av behov for anlegg, fysisk aktivitet og friluftsliv	12
C 24	Anlegg der tildeling skal styrast av regional plan	12
C 25	Status som kommuneanlegg - idrett	12
C 26	Generelle prioriteringskriterie	13
C 27	Nærmiljøanlegg	13
C 28	Prioriteringskriterie nærmiljøanlegg	14
C 29	Fysisk aktivitet	14
C 30	Prioriteringskriterie fysisk aktivitet	14
C 31	Friluftsliv	14
C 32	Prioriteringskriterie friluftsliv	14
C 33	Prioritering av nye anlegg - idrettsrådet si rolle	15
C 34	Folkhelsearbeid og kommunane sitt ansvar	15
C 35	Utgreiingsarbeid jfr. kommuneplanen	15
C 36	Rehabilitering	15
C 37	Kommunalt engasjement/drift av anlegg for friluftsliv	15
C 38	Nedlegging og ombruk av eldre anlegg	16
D 1	Planar om nye anlegg	17
D 2	Anlegg som er planlagt nedlagt	17
D 3	Registrering av innspel til planarbeidet	17
D 4	Analyse og planstrategi	18
E 1	Kort- og langsiktig planperiodar (pkt. E1 - E6)	19
E 2	Budsjettet for 2019 og økonomiplan viser ei slik fordeling av midlane	19
E 3	Handlingsplan for anlegg (nybygging)	19
E 4	Handlingsplan for anlegg 2016 - 2019	19
E 5	Anleggsbehov - langsiktig del etter 2020	19
E 6	Handlingsplan for meir fysisk aktivitet	19
E 7	Anlegg som er styrt av regional plan	19
	Vedlegg til planen:	20
	Vedlegg 1: Handlingsprogram tiltak: Tilrettelegging, Tilgang, Kunnskap	
	Vedlegg 2: Handlingsplan for anlegg: Nærmiljøanlegg	
	Vedlegg 3: Handlingsplan for anlegg: Ordinære idrettsanlegg	
	Vedlegg 4: Målsetjingar for folkehelsearbeidet i Luster kommune	
	Vedlegg 5: Medlemskap i lokale organisasjonar	
	Vedlegg 6: Tilskotsreglement for fysisk aktivitet, idrett og friluftsliv og spelemiddelordninga	
	Vedlegg 7: Anleggsregister for Luster kommune pr. aug 2019 - jf. www.luster.kommune.no/idrett-og-friluftsliv	

A 1 Planprosessen

Planen har ein tidshorisont på 12 år, med handlingsprogram over 4 år (2024-2027) og med eit langtidsprogram som syner aktuell anleggsutbygging etter 2027. Handlingsprogrammet kan rullerast årleg, eller når det er nødvendig i forhold til budsjett- og søknadsrutine. Planen har revisjon i kvar valperiode, og sist revisjon vart handsama av kommunestyret, K-sak 68/19, den 28. november 2019.

A 2 Revisjon og sakshandsaming av planen tek eitt år

- Alle aktuelle lag- og organisasjonar vert kontakta gjennom informasjonsmøte og via brev og annonse i lokalavisa. Det vert oppmoda om å koma med **innspel** til planen innan ein gitt tidsfrist (1. mai).
- Innspela vert vurderte og lagde fram for Det faste utvalet for plansaker (FUP) saman med **framlegg til revidert plan**.
- FUP vedtek å leggja framlegg til revidert plan ut til **offentleg høyring**.
- Offentleg høyring i fire veker. Det vert sett inn annonse om **høyringsfristen** i lokalavisa og framlegget til ny plan vert lagt ut til offentlig ettersyn.
- Før høyringsfristen går ut må eventuelle **merknader** til den nye planen sendast kommunen. Det er no for seint å komma med nye innspel til planen.
- Alle merknader vert vurderte og lagde fram for FUP med rådmannen si tilråding.
- Planen går til **endeleg vedtak** i kommunestyret, ev. attende for adm. handsaming.

VIKTIG: Dersom det vert gjort vesentlege endringar i planen etter at den har vore ute til offentlig høyring, må planen ut til ny høyring med ny merknadsfrist, før planen kan vedtakast av kommunestyret.

A 3 Saksgangen til no

- Administrasjonen informerte idrettslag og skyttarlaga og planprosessen **21.jul.2022**
- Administrasjonen informerte i møte med Luster idrettsråd **28.juni 22** og om planprosess, planarbeidet og om krav til dokumentasjon av innspela til planen.
- Annonsert oppstart og frist for innspel på «heimesida» og i Sogn Avis **28. jan 2023**
- Eit informasjonsmøte vart gjennomført **6. februar 2023** der kvalitet på søknader, krav til formelle vilkår for å søke spelemidlar og rutinen for innspel til plan for stiar var tema.
- Administrativ organisering av planarbeidet, møte med LK Eigesdømsavd. **27.feb. 2023**
- Rådet for personar med funksjonsnedsetting drøfta planarbeidet **27.feb. 2023**
- Eldrerådet drøfta planen og planarbeidet **27. feb. 2023**
- Ungdommen sitt kommunestyre døfta planen, og trong for tenlege anlegg **13.mar. 23**
- Den administrative plangruppa drøfta planen sitt innhald **17., og 27.apr. + 25.mai 23**
- Alle lag og organisasjonar som har hatt behov for å døfte sine innspel med kommunen har fått høve til det, det er gjennomført synfaringar på inspela og der det har synt seg nødvendig er det utført eit administrativt førearbeid, synfaringar og konsultasjonar.
- Frist for å koma med innspel vart sett til **02. mai 2023**.
- Representantar for kommunale einingar og idrettsrådet har som administrativ plangruppe oppnemnde av rådmannen, drøfta innspela og planframlegget sist **13. jun. 23**.
- Møte med Luster idrettsråd: tema prioritering av anlegg i handlingsplanar **16.okt. 23**
- 1. gongs handsaming i planutvalet / formannskapet, den **08. nov. 2023**
- Offentleg utlegging med høyringsfrist den **22. des. 2023**
- Politisk handsaming i fsk den xx. feb. og vedtak i kommunestyret den **xx. feb. 2024**.

B 1 Resultatvurdering handlingsplan 2016-19

Utviklinga i kommunen i forrige planperiode

Generelt for kommunen har det vore ein folketalsauke frå 5093 (1.1.16) til 5358 (1.10.23). Oversikten over tal medlemar som soknar til dette planemaet, viser auka oppslutning frå dei under 20 år frå 2020 t.o.m 2022, men nedgang om me reknar frå 2010.

Medlemstal i lag og organisasjonar i Luster kommune kjelde: søknader om tilskot										
Organisasjonstype	medl. derav		medl. derav		medl. derav		medl. derav		medl. derav	
	2010	u 20 år	2014	u20 år	2018	20 år	2020	u20 år	2022	u20 år
Idretts- og friluftsg. org.	3145	1100	3660	1044	3238	1024	3085	928	2788	976
Song og musikk org.	241	88	173	59	106	60	92	56	42	24
Barne- og ungdomsl.	317	249	434	367	387	308	302	251	232	198
Andre: bygdelag m.m.	862	147	547	94	134	15	213	30	192	44
SUM:	4565	1584	4814	1564	3865	1407	3692	1265	3254	1242

Idretts- og friluftsg. org.: medlemstalet u 20 år, utviklinga over siste 10 år: - 6,5%

Som politisk og administrativt styringsreidskap

Graden av lokal medverknad i planarbeidet varierer. Planprosessen for anleggseigarar, bygdelag og friluftsg. interesserte har i perioden synt fagleg standardauke.

Politisk er planen ein viktig reiskap i samband med prioritering av søknader om tilskot. Det er ein føresetnad at anlegga er registrerte i det nasjonale anleggsregisteret for å oppnå prioritet frå spelemidlar og om refusjon for utgifter til drift og vedlikehald.

Bruk av planen i lag og organisasjonar

Planarbeid er generelt lågt prioritert i mange frivillige organisasjonar. Kunnskapane om offentleg planlegging og planprosessar er varierende, noko som og påverkar prosessen i form av forbruk av tid. Gjennom planprosessen har kommunen lagt særleg vekt på å få organisasjonane til å forankre innspel i eigne anleggsplanar og med intern prioritet for kvart innspel. For sjølve spelemiddelsøknaden er det også eit krav om årsmøtevedtak i for det som gjeld finansiering, forbruk av eigenkapital og mengde dugnadsinnsats.

Som bakgrunn for søknader om spelemidlar

Gjennom møteverksemd og direkte dialog med søkarar har det vore viktig å konkretisere krava for å kunna søkja om spelemidlar. Tre tema har vore gjennomgåande: **a)** formelle avtalar om areal, **b)** kostnadsoverslag/finansieringsplan og **c)** søkaren sine eigne føresetnader, eller i eit formelt samarbeid med andre, for å drifte tiltaket.

Når det gjeld sikring av areal

Planen har vorte nytta som innspel for å sikre areal i Kommuneplanen sin arealdel. Det har vorte utarbeida reguleringsplanar for å sikre areal t.d. til Motorsportanlegga i Gaupne, den vidare utbygginga av Sogn Skisenter på Hafslo og turvegen mellom Wittgensteintavla og Nymoen på Skjolden. For enkelte anlegg kan prosessen med å sikre seg avtalar om areal vera både tung å starta, men og å avslutta.

Som bakgrunn for søknader om kommunalt tilskot

Den kommunale planen er viktig i samband med handsaminga av søknader om drifts-tilskot. Det er framleis eit mål om å gjera det enklare å forstå krava til dokumentasjon i ein søknad, og dei ulike prioriteringskriteria. Men det er også viktig at formelle krav framleis er «krav» når ein kjem til handsaminga av søknader og den politiske prioriteringa.

Kva er gjennomført ut frå politiske vedtak

Planen (2020-23) la opp til ei prioritering av nærmiljøanlegg og anlegg for friluftsliv.

2020: Rehabilitering Luster idrettshall	kr 23,839 mill spelemidlar	kr 7,964 m
2020: Luster idrettspark, treningsanl m. lys	kr 1,541 mill spelemidlar	kr 0,455 m
2020: Luster idrettspark, delanl. Friidr kast m.lys	kr 3,985 mill spelemidlar	kr 0,400 m
2020: Luster idrettspark, delanl. Friidrett hopp	kr 1,400 mill spelemidlar	kr 0,300 m
2020: Luster idrettspark, delanl. Friidrett løp	kr 4,330 mill spelemidlar	kr 1,250 m
2020: Hafslo b&u.sk., Streetbasket	kr 0,336 mill spelemidlar	kr 0,168 m
2020: Hafslo b&u.sk., ballvegg	kr 0,481 mill spelemidlar	kr 0,241 m
2020: Hafslo b&u.sk., hinderløype	kr 0,723 mill spelemidlar	kr 0,361 m
2021: Fjordstova, rehab. Symjebasseng m.garderob.	kr 10,567 mill spelemidlar	kr 3,036 m
2021: Motorsport, Knattecross	kr 0,459 mill spelemidlar	kr 0,153 m
2021: Motorsport, Enduro	kr 0,264 mill spelemidlar	kr 0,088 m
2021: Terrengsykkelbane, Solvorn oppveksts.	kr 0,438 mill spelemidlar	kr 0,219 m
2021: Tursti Ornes	kr 0,113 mill spelemidlar	kr 0,057 m
2021: Rehab.Ballbinge, Skjolden	kr 0,335 mill spelemidlar	kr 0,168 m
2022: Tursti Gamle Galden – Solvorn	kr 0,305 mill spelemidlar	kr 0,153 m
2022: Hestesportanlegget på Flugå, Hafslo	kr 1,133 mill spelemidlar	kr 0,378 m
2022: Båthus-kajakkaust m UU-rampe,Hafslovatnet	kr 3,482 mill spelemidlar	kr 1,178 m
2022: Rehab. Storatrekke, Sogn Skisenter	kr 2,628 mill spelemidlar	kr 0,876 m
2022: Gapahuk v.Hafslovatnet	kr 0,369 mill spelemidlar	kr 0,123 m
2023: Tursti Nyestølen – Midtnovi, Veitastrand	kr 0,274 mill spelemidlar	kr 0,104 m
2023: Motorcross C	kr 5,097 mill spelemidlar	kr 1,700 m
2023: Tursti Haugabru – Hotla	kr 0,900 mill spelemidlar	kr 0,450 m
2023: Lysanlegg i Moane	kr 1,785 mill spelemidlar	ikkje tildelt
2023: Sprintløype + lysanl. Sogn skisenter	kr 12,600 mill spelemidlar	ikkje tildelt
2023: Hoppanlegga K10 + K20	kr 7,272 mill spelemidlar	ikkje tildelt
2023: Turtagrø idretts- og serviceanlegg	kr 5,150 mill spelemidlar	ikkje tildelt
2023: Tursti Hillestadstølen – Oklevik	kr 2,835 mill spelemidlar	ikkje tildelt

Årleg resultatvurdering som grunnlag for utvikling av kommunen sin økonomiplan

Vurdering vert gjort opp mot registrert søknad, vedteken kommunal plan og årsbudsjettet.

Tilskot til **nærmiljøtiltak** vart i 2018 budsjettmessig avvikla. Søkarar vert viste til spelemiddel--ordninga for **nærmiljøanlegg**.

Gratisprinsippet med utleige av kommunale anlegg og lokale til kulturføremål er vidareført. Kommunen har innført eit booking-system for registrering av all utleige for m.a. å få eit betre oversyn over utnyttinga av kommunale anlegg og verdien av denne «gratis»-bruken.

c 1 Målet er

C 2 Overordna mål og visjon med denne planen er

å få fleire av innbyggjarane i Luster kommune fysisk aktive, og Fysisk aktivitet betrar helsa og aukar trivselen, jf. Folkehelseoversikten.

C 3 Kva er idrett, friluftsliv og fysisk aktivitet?

Idrett: Dei fleste former for idrett er organisert, fysisk aktivitet. Enkelt sagt kan ein skilja idrett frå anna fysisk aktivitet ved at når det gjeld idrett så er det å trenast mot konkurransar.

Fysisk aktivitet: Fysisk aktivitet er langt meir omfattande enn både idrett og friluftsliv. I denne planen er fysisk aktivitet alle former for fysisk mosjon. Eksempel på fysisk aktivitet er å trilla ei barnevogn, spasere i ditt eige tempo langs opparbeida gang- og sykkelveggar, små rusleturar i park og nære friområde, barneleik, riding, turar i skog og mark, trening etter musikk og dans.

Friluftsliv: Friluftsliv er oftast ei eller anna form for fysisk aktivitet ute i naturen. Fotturar utanfor gang- og sykkelveggar og skiturar er dei vanlegaste og viktaste friluftslivsaktivitetane. Også jakt og fiske er viktige friluftslivsaktivitetar. I seinare år har også nye former for friluftslivsaktivitet vaks fram, som t.d. ulike aktivitetar på fjorden, i elvar og i lufta.

C 4 Kven har det overordna ansvaret?

- **Kultur- og likestillingsdepartementet** har ansvar for den statlege politikken og forvaltninga på områda kultur, idrett, frivillig verksemd og pengespel og lotteri.
- **Klima- og miljødepartementet** har ansvar for den statlege friluftspolitikken
- **Arbeids- og inkluderingsdepartementet** brukar fysisk aktivitet som eit verkemiddel i det førebyggjande og rehabiliterande helsearbeidet og integrering av innvandrarak.
- **Barne- og familiedepartementet** har eit ansvar for barn og unge sine oppvekst- og levekår, familie og samliv.

C 5 Nasjonale mål for idrett og fysisk aktivitet

- Idrett for alle.
- Statlege midlar til idrettsføremål må fordelast slik at dei kjem den frivillige, medlemsbaserte idretten til gode.
- Dei statlege midlane skal stimulera til utøving av eigenorganisert fysisk aktivitet.
- Barn (6-12 år) og ungdom (13-19 år) er dei primære målgruppene.
- Anlegg i lokalmiljøet retta mot barn og fysisk aktivitet, både organisert og eigenorganisert, vil verta prioritert.
- Anlegg for ungdom må utviklast slik at dei tilfredstiller ungdommens behov for utfordringar og variasjon. Ungdom må få høve til å medverka i utforminga og anlegga må fungera som sosiale møteplassar i lokalsamfunna.
- Det skal satsast på anleggstypar som kan brukast av mange og som gir høve til eigenorganisert fysisk aktivitet.
- Det vert retta større fokus på nærmiljøanlegg i tilknyting til uteområda ved skulane.
- Prioritering av rehabilitering av bygde anlegg som også er i drift vil verta vidareført.

C 6 For å kunna nå målet om auka aktivitet må planen vera:

- ⇒ Informativ og lett å forstå
- ⇒ oppmuntre til større aktivitet i lokale lag og organisasjonar
- ⇒ oppmuntre til større eigeninnsats

C 7 Nasjonale mål og «Resept for eit sunnare Norge», jf. st.meld. nr.16

- Friluftsliv basert på allemannsretten skal haldast i hevd i alle lag av befolkninga.
- Barn og unge skal gjevast høve til å utvikla ferdigheiter i friluftsliv.
- Område av verdi for friluftslivet skal sikrast slik at miljøvennleg ferdsel, opphald og hausting vert fremma og naturgrunnlaget vert bevart.
- Ved bustader, skular og barnehagar skal det være god tilgang til trygg ferdsel, leik og anna aktivitet i ein variert og samanhengande grønstruktur som har god kontakt til omkring-liggjande naturområde.

C 8 Luster kommune sin visjon og mål for meir fysisk aktivitet

- Oppretthalda og vidareutvikla eit livskraftig Lustrasamfunn.
- Kommunen må ha anlegg som er attraktive for ei stor brukargruppe. Ved å gi innbyggjarane gode tilbod i form av tidhøvelege anlegg for idrett og friluftsliv vil dette virka stabiliserande på både busetnadsmønster og bygdemiljø. Dette er viktige for at folk skal trivast og for at ungdom skal ha eit godt oppvekstmiljø.
- Leggja tilhøva til rette for at flest mogleg kan få oppleva og gjera seg nytte av den ressursen naturen, både fjord og fjell, representerer ved "tilgjenge for alle".
- Driva eit haldningsskapande arbeid der ein stimulerer til auka fysisk aktivitet og friluftsliv som førebyggjande helsepolitikk og som verkemiddel for å auke trivsel og lokalkunnskap.
- Ha attraktive nærmiljøanlegg og friområde i alle bustadfelt og ved alle barnehagar og skular. Desse nærmiljøanlegga og friområda bør ha samanhengande, sikre og mest mogeleg grøne korridorar ut mot større naturområde.
- Prioritere bygging av fleirbruksanlegg, satse på gode kommuneanlegg og allsidige lokalanlegg, men eitt sentralt konkurranseanlegg for innandørsidrettar, fotball motorsport og skisport.
- Setje krav til brukarmedverknad i forhold til bygging og drift.
- Sikre forsvarleg teknisk stand på eksisterande anlegg.

C 9 Utfordringar for å nå målet

Luster kommune er oppteken av å nytta dei tilboda kommunen alt har i form av anlegg og natur til friluftsliv og fysisk aktivitet. Utfordringane er fleire og samansette: Fyrst og fremst må kvar enkelt innbyggjar få lyst til å vera fysisk aktiv.

Neste steg vert å konkretisera kva som må gjerast for å få auka aktivitet og korleis kommunen best kan leggja til rette for å få auka den samla aktiviteten.

Fjorden har til no vore lite nytta til friluftsliv. Allmenn ferdsel med båt, ulike former for arrangement og konkurransar, men også lett tilkomst til fjorden bør prioriterast.

Samanhengande tursti/-vegsystem med tilgjenge for alle frå bustad til friområde/friluftsområde i tettstadene i kommunen er eit gode for alle. Og ikkje minst kan dei mange stiane og turløypene fram til stølsanlegg og i naturfreda område, danna eit utgangspunkt for både naturoppleving, kulturoppleving og friluftsliv.

Kommunen er oppteken av at informasjon om anlegg og fysisk aktivitet er utforma slik at brukarane enkelt finn den aktiviteten som ein ynskjer å delta i. På denne måten kan ein sjølv bestemma kor lang, tung og krevjande aktiviteten treng å vera.

Ved å gjera fysisk aktivitet til noko som er populært vil kommunen samla sett sitja att med ein større gevinst både når det gjeld trivsel og helse. Utfordringa er å finna tiltak som mange, i dag lite fysisk aktive innbyggjarar, ynskjer og klarar å vera med på.

Godt organiserte idrettslag og friluftslivsorganisasjonar er ein av føresetnadene for suksess. Kommunen har også eit ansvar i form av å sikre at vedlikehaldet av anlegga vert gjennomført og at anlegga er i forsvarleg stand.

C 10 Bakgrunnen for planen

I **1994** innførte Kulturdepartementet eit krav om at alle kommunar skal ha ein kommunal plan for idrett og friluftsliv. Prioriteringar i planen vert også lagt til grunn for kommunalt tilskot til bygging av anlegg og refusjon for drift og vedlikehald av anlegg.

C 11 Overordna planar

Kommunal plan for idrett og fysisk aktivitet er underlagt:

- ⇒ **Kommuneplan** (inkl. arealplan) for Luster kommune
- ⇒ **Økonomiplan** for Luster kommune
- ⇒ **Regional plan for kultur** for Vestland fylke

C 12 Regional anleggspolitikk for tildeling av spelemidler for Vestland

Anleggsutvikling er det viktigaste verkemiddelet for å nå visjonen om ein «fysisk aktiv kvardag» for folk i Vestland. Det er innbyggjarane sitt behov for aktivitet som skal ligge til grunn for kva anlegg som skal byggast. Eit godt kunnskapsgrunnlag, god forankring, samhandling mellom offentleg, frivillig og privat sektor på ulike nivå kombinert med brei medverknad frå innbyggjarar er avgjerande for å kunne møte framtida sitt behov.

Det er ei stor samfunnsutfordring knytt til auka inaktivitet og overvekt i delar av befolkninga. Samfunnet er organisert slik at kvardagsaktiviteten er kraftig redusert dei siste 20 åra, til dømes gjennom stillesitjande jobbar, bruk av bil, og medie-kommunikasjonsbruk. Helsedirektoratet rår til at barn og unge er fysisk aktive i minst 60 minuttar kvar dag i gjennomsnitt. Å sikre god tilgang på ulike typar anlegg kan vera med på å jamne ut ulikskap og utanforskap.

Utfordringa vert å finna fram til tiltak som mange - i dag lite fysisk aktive innbyggjarar – ynskjer og klarar å vera med på.

Berre gjennom personleg ynskje og haldningar vil innbyggjarane ta i bruk anlegg og natur til fysisk aktivitet.

C 13 Planlegging av anlegg for finansiering med spelemidler

Vegen fram til ein prioritert søknad stiller konkrete krav til innhald og dokumentasjon. Ein viktig fase er søkaren sin eigen anleggsplan, dvs. ein plan som omhandlar søkaren sitt behov og omfanget av anlegget (teknisk utforming), kostnadsvurdering og finansiering. Herunder også ein kort omtale av eigen prosess i forhold til involvering av brukarane med særleg vekt på barn og unge sin medverknad.

Vidare er avtalar om nødvendig areal, herunder avklaringar i forhold til tilkomst og parkering i tillegg til sjølve utbyggingsområdet med tryggleiksone markert på kart, viktig dokumentasjon. Det skal også gå fram av planen løysingar som underbyggjer målsetjinga om universell utforming.

Miljøtilpassing skal innehalde ein omtale av løysingar som viser at planen vil bli konsekvensvurdert i forhold til miljømessige utfordringar

For større anlegg er det viktig med ein omtale av anleggsperiode og av anleggsarbeidet.

Avslutningsvis skal det for kvart anlegg vera med ei avklaring og konkretisering av kva som inngår i ein driftsplan for anlegget, forventa kostnader og organisering av drifta og vedlikehaldsrutinar, sjå pkt. C19.

For arbeidet med den kommunale planen er det strategiske milepælar i planprosessen:

1. Informasjonsutveksling – viktig fase dersom det oppstår (har oppstått) formelle problem særleg i forhold til areal og/eller andre spesifikke krav / tilhøve
2. Avklaring på anleggskategori for ev. søknad
3. Avklaring på tidsfristar for fremjing av intern-plan i den kommunale planprosessen
4. Samordning og idrettspolitisk vurdering i Luster idrettsråd som innstiller overfor L.K.
5. For alle anlegg som har føresett kommunal medverknad i finansieringa skal anlegget innarbeidast og prioriterast i den fire-årige handlingsplanen.
6. Avklaring i forhold til PBL (plan- og bygningslova) og idrettsfunksjonell godkjenning
7. For nye anlegg skal kommunen registrere anlegget i sentralt anleggsregister før...
8. Søkaren kan utforme søknaden på web-sida: idrettsanlegg.no
9. Søknaden vert automatisk overført kommunen som skal handsame og ev. godkjenne søknaden før oversending og slutthandsaming av fylkeskommunen.

- Anleggsarbeidet SKAL først starte etter at det er gitt formelt løyve på godkjent plan.
- Før det førekjem registrering av utgifter skal det opprettast ein eigen anleggskonto.
- Eigenkapitalen skal vera overført til denne kontoen.
- Hovudpostane i rekneskapen skal vera dei same som postane i godkjendt kostnads-overslag og finansieringsplan. Det skal liggja føre vedlegg på alle ut- og innbetalingar,
- for vidare oppfylgging vert det synt til publikasjonen: Føresegner om tilskot til anlegg for idrett og fysisk aktivitet.

C 14 Formell godkjenning før byggestart

Planen for eit anlegg som det vert søkt tilskot til må tilfredsstille ein del krav, tidlegare omtala som *ei idrettsfunksjonell godkjenning*. I praksis betyr dette at ingen må starte eit fysisk anleggsarbeid før alle formalitetar er avklara.

Luster kommune har utarbeida eit kort notat: «Bakgrunnsmateriale for ei idrettsfunksjonell godkjenning», og har lista opp dei krava til dokumentasjonar som gjeld for innsending og godkjenning av søknaden om spelemidlar. Døme på slike krav er: behovsvurdering og målkravet på utforminga av anlegget.

Sjå heimesida til kommunen: *Bakgrunnsmateriale og dokumentasjon for ein spelemiddelsøknad.*

C 15 Sikring av areal for idrett og friluftsliv

Sikring av areal er ein grunnleggjande føresetnad når det skal leggjast til rette for fysisk aktivitet på anlegg og i friluftsliv. Areal kan sikrast gjennom frivillige avtalar, arealdelen i kommuneplanen, men for å kunna oreigna eit areal må dette sikrast gjennom ein reguleringsplan eller utbyggingsplan.

Ved utarbeiding av nye kommune(del)planar og reguleringsplanar er det viktig med eit godt samarbeid på tvers slik at det å driva fysisk aktivitet og friluftsliv vert enkelt. Det er vert å merka seg den auka satsinga på nærmiljøanlegg, friområde og grøne korridorar inntil og i byggefelt, samt gang- og sykkelveggar og turstiar som bind ulike friluftsområde og idrettsanlegg saman med nærliggjande byggefelt og skular.

C 16 Finansiering av anlegg

Den viktigaste kjelda er spelemidlane (tippemidlar), men det kan og søkast tilskot frå andre. Fylkeskommunen har ansvaret for fordeling av spelemidlane, og det er eit krav at det aktuelle anlegget er prioritert i denne kommunale planen.

Anlegg som stettar dei krava som vert stilte kan søke om kommunal medverknad til finansiering av anlegget. Kommunen legg til grunn 1/3-dels regelen (dvs. 1/3 eigeninnsats, 1/3 spelemidlar og 1/3 kommunalt tilskot). Kommunen kan i einskilde saker fråvike denne regelen.

Det er reglar for korleis eigeninnsatsen skal dokumenterast t.d. dugnad.

Den viktigaste kjelda til finansiering av nye anlegg er «spelemidlane». Det er eit krav at det aktuelle anlegget er prioritert i den kommunale handlingsplanen. **Pr. 2023 er det starta ein større revisjon av «Bestemmelsar om tilskot til anlegg for idrett og fysisk aktivitet».**

Den **4-årige handlingsplanen** til Luster kommune legg til grunn **1/3-dels regelen**, dvs. 1/3 eigeninnsats, 1/3 spelemidlar og 1/3 kommunalt tilskot. Kommunen kan i einskilde saker fråvike denne regelen.

For nærmiljøanlegg deltek kommunen med inntil 1/3-dels finansiering. Det er eit prinsipp at kommunen sjølv ikkje står som utbyggjar av nærmiljøanlegg utanfor aktivitetsområda til barnehagar, skular og oppvekstsenter.

Anlegg for **friluftsliv** kan få tilskot **inntil kr 50 000** (sjå Tilskotsreglement pkt 7B).

C 17 Anleggsrekneskap utskilt frå den ordinære drifta

Anlegg under bygging skal ha eit anleggsrekneskap skilt frå ordinær drift. Søkar er til ei kvar tid ansvarleg for at budsjettet for utbygginga vert halde og at justeringar vert formelt handsama og godkjente av partane i utbygginga.

C 18 Konsekvensar ved brot på krav

Kommunen skal til ei kvar tid ha oversyn over status for alle anlegg bygde med off. tilskot. Lag og organisasjonar pliktar å meddele kommunen endringar i vilkår eller teknisk tilstand for anlegg nemnde i denne kommunedelplanen. Anlegg som har fått tilskot kan ikkje seljast, pantsetjast eller reduserast på anna vis utan at det i rimeleg tid er gjeve orientering til tilskotsgevar. Dersom anlegg bygde med offentlege tilskot vert misleghaldne, kan tilskot bli inndrege. Misleghald er også avslagsgrunn på søknad om tilskot til andre anlegg og/eller tilskot til drift og refusjon for vedlikehald.

Konsekvensar ved brot på retningslinjer og formelle krav:

(jf. Forskrifter / bestemmelser frå Det Kgl Kultur- og Kyrkjedepartement)

- 1 Generelt gjeld at dei som ikkje føl vilkåra for tilskot, gjev kommunen og fylkeskommunen rett til å krevje tilskotet attendebetalt.
- 2 Innvilga tilskot skal helst brukast i tildelingsåret. Midlar som ikkje vert nytta i løpet av to år etter at tilskotet vart innvilga, blir inndrege.
- 3 Søkar som ikkje har levert rekneskap/sendt inn revidert rekneskapsoversyn for tidl. innvilga og utbetalt tilskot, skal unntaksvis innvilgast tilskot til nytt anlegg.

C 19 Drift og vedlikehald

Det er i dag eit krav for offentlege tilskot til bygging av anlegg for idrett og friluftsliv at søkaren har ein driftsplan. Kommunen skal ha driftsplanen til godkjenning i samband med handsaminga av søknader om tilskot (ref.pkt. C13). Driftsplanen skal innehalde:

1. **Bruksplan** for anlegget. Opplysningar om brukargruppe og brukstid.
2. **Driftsansvar**. Informasjon om kven som har ansvaret og om arbeidet er lønna/dugnad.
3. **Arbeidsvilkår og arbeidsoppgåver**. Korleis er anlegget administrert, og vedlikehalde? - og samanhengen mellom driftsansvar og kostnader?
4. **Driftsbudsjett** på årsbasis. Oversikt som viser forventa driftsresultat.
5. **Kapitalkostnader** med oversikt over renter og avdrag dei næraste fem åra. Korleis kapitalkostnadane og eventuelt underskot skal dekkast inn?
6. **Tilgjenge for alle** gjennom ei idrettsfunksjonell godkjenning, eller skriftleg dokumentasjon frå teknisk inspeksjon.

C 20 Kommunalt tilskot til drift og mindre vedlikehald

Utgifter i godkjent søknadsgrunnlag er: forsikring, straum, avgifter (renovasjon, vatn, kloakk), drivstoff, reinholdsmidlar, leige av areal og nødvendig vedlikehald av anlegget. Utgiftsgrense: **kr 100.000** (Reglement pkt. 4) .

Anlegg for **friluftsliv** (døme: turstiar og turløype) kan søke om refusjon for driftsutgifter inntil 1/3 av maks kr 150 000, dvs. inntil **kr 50 000**.

C 21 Kommunalt tilskot til rehabilitering

Planar for rehabilitering av eit prosjekt utover **kr 100.000** skal innarbeidast i den kommunale handlingsplanen som anlegget sorterer under. Søknaden, med bakgrunn i ein tilstandsrapport må fremjast før oppstart av arbeidet.

C 22 Ansvarsfordeling og brukarmedverknad

Planen har som mål å auka brukarmedverknaden. Dette gjeld også ansvar for drifta. Frivillige lag og organisasjonar har sjølve ansvaret for dei aktivitetane som vert tilbode. I nokre tilfelle vil det også vera aktuelt å tillegga brukarar av offentlege bygg ansvar for rydding, reinhald og koordinering av aktiviteten. I skular og forsamlingshus eigd av kommunen skal det vera eit "brukarstyre" som for Gaupne idrettshall er Luster idrettsråd. Luster kommune har innført Book-Up for oversynet av aktiviteten.

C 23 Vurdering av behov for anlegg for fysisk aktivitet og friluftsliv

Luster kommune er ein geografisk stor kommune med ca. 2 700 kv.km og ca. 5302 innbyggjarar (1.1.23). I samsvar med kommuneplanen for Luster skal Gaupne vidare-utviklast som kommunesenter. Denne temaplanen byggjer på vedteken kommuneplan inkl. arealdel.

Prioritering av nye anlegg i handlingsplanen skal avspegle den kommunale vurderinga av behovet og samtidig støtte dei formelle krava som Kulturdepartementet til ei kvar tid set i føresegnene. Luster kommune legg opp til ein planprosess der Luster idrettsråd og Ungdommen sitt kommunestyre deltek i prioriteringa av anlegg.

C 24 Anlegg der tildeling skal styrast av regional plan

Eit regionanlegg skal ha ein slik standard at det kan nyttast til nasjonale meisterskap og internasjonale konkurransar. Regional plan for anlegg fastset at det berre skal vera eitt «fylkesanlegg» for kvar idrett i fylket. Døme på anlegg som er styrt av regional plan er: Fleirbrukshallar, Golfanlegg, Motorsportanlegg, Kunstgrasbaner med storleik => 60x100 m., Kunstisbaner, hoppbakkar K40 og større og nye utandørs skytebaner.

Kostnadskrevjande anlegg bygt av kommunen, eller med kommunale tilskot, må vera med i kommunen sin økonomiplan for å bli prioritert i handlings-programmet i regional plan.

C 25 Status som kommuneanlegg - idrett

Kommuneanlegg må vera dimensjonert slik at det minimum kan arrangere meisterskap på regionnivå. Kommunen skal ha minst eitt kommuneanlegg for idrettar med mange utøvarar. I Luster kommune har ni anlegg status som kommuneanlegg:

Alpin	- Sogn skisenter, Hafslo
Fotball	- Luster idrettspark, Gaupne
Friidrett	- Luster idrettspark, Gaupne
Handball	- Lustrahallen, Gaupne
Hoppanlegg	- Sogn skisenter, Hafslo
Langrenn	- Sogn skisenter, Hafslo

Miniatyrskyting	- Fjordstova, Skjolden
Motorsport	- Leirmo, Gaupne
Skyting – leirdue	- Regdalsmo, Gaupne
Skyting - rifle	- Hillestadstølen, Hafslo
Symjing - 25 m	- Lustrabadet, Gaupne
Stup - 3 og 5 m	- Lustrabadet, Gaupne

C 26 Generelle prioriteringskriterie

- 1 Utvikling av eksisterande anlegg til fleirbruksanlegg for å skape større breidde i aktivitetstilbodet.
- 2 Ved prioritering av nyanlegg for kommunalt tilskot skal det leggjast fram dokumentasjon på trongen det er for eit nytt anlegg.
- 3 Rehabilitering av eldre anlegg vert prioriterte etter søknad for å kunna dekkja endra krav til bruk og funksjonalitet. Det må også her leggjast fram dokumentert trong for anlegget i framtida, og
- 4 Både nyanlegg og eksisterande anlegg bør tilfredstille fleire alders- og brukar-gruppe og kunna fungere som ein sosial treffstad. Målet er "Tilgjenge for alle."
- 5 Det vil vera ressurs- og bruksmessig gunstigare at fleire kommunar går saman om å bygge og drifte idrettsanlegg det er vanskeleg å realisere i ein kommune.

C 27 Nærmiljøanlegg

Nærmiljøanlegg er enkle anlegg eller område som er tilrettelagt for eigenorganisert fysisk aktivitet. Nærmiljøanlegg ligg i, eller i direkte tilknyting til bustadområde. Områda eller anlegga skal ha fri tilgang for alle. Nærmiljøanlegg er utandørsanlegg,

Nærmiljøanlegg er viktige rekrutteringsanlegg til fysisk aktivitet.

Barn og unge skal involverast på tilpassa måter i planlegging og utforming av nærmiljøanlegg og sentrumsområde.

Trongen for, og lokalisering av, nærmiljøanlegg skal alltid vurderast i samband med planlegging av nye bustadfelt og ved fortetting av eksisterande bustadområde. Godt vedlikehaldne anlegg sikrar at fleire vil bruka anlegga.

C 28 Prioriteringskriterie nærmiljøanlegg

1. Fleksible anlegg med tilbod fyrst og fremst retta mot barn og ungdom, men som også har kvalitetar som dei vaksne vil setja pris på. Trivsel og velvære samt høg kvalitet og fleksibilitet skal prioriterast høgt.
2. Anlegg for eigenorganisert leik, mosjon og friluftsliv skal prioriterast uavhengig av ordinære idrettsanlegg når det ligg føre konkrete søknader.

C 29 Fysisk aktivitet

Ein større del av innbyggjarane på landsbasis, og i Luster kommune, er fysisk lite aktive. Samstundes vert dei som er aktive stadig meir aktive. Fram til no har det vore slik at den organiserte idretten har lagt beslag på størstedelen av dei midlane som har vore sett av til fysisk aktivitet og friluftsliv. Utfordringa er å få flest mogeleg av dei i dag lite aktive til å verta meir fysisk aktive. Dette kan gjerast på fleire måtar:

C 30 Prioriteringskriterie fysisk aktivitet

1. Satsing på nye aktivitetar som fengjer dei som i dag er lite fysisk aktive. Framfor alt gjeld dette aktivitetar som er populære blant ungdom.
2. Aktivitetar som legg forholda til rette slik at alle, uansett alder, kondisjon og handikap, kan vera både fysisk og sosialt meir aktive nær der dei bur. Gjerne i form av kortare turløyper og rundturar som kulturell lærdom og naturoppleving.

C 31 Friluftsliv

Luster kommune har store utmarksområde og ein fjord med stort potensiale for eit breidt spekter av friluftsliv. Fleire av desse områda er framleis berre tilgjengelege for dei som disponerer privat bil og som er relativt spreke. Ei viktig oppgåve vil vera å leggje til rette innfallsportane til dei store friluftsområda med parkerings-plassar, enkle toalett-fasilitetar og med informasjonstavler. Det vil også bli større bruk for teknologiske verktøy, «tur-appar» og kart med informasjon om jakt og fisketilbod.

C 32 Prioriteringskriterie friluftsliv

1. Merking og rydding av løyper og stiar for både sommar og vinterbruk.
2. Letta tilgangen til sjø og vatn, for både fiske, båtliv og bading. Gi alle, også funksjonshemma, friluftstilbod og tilbod om fiske.
3. Støyfrie og utsleppsfrie aktivitetar i tilknytning til fjorden.

C 33 Prioritering av nye anlegg – idrettsrådet si rolle

Sjå dei generelle prioriteringskriteria i denne planen, pkt. C 26.

Luster idrettsråd skal koordinere alle innspela til planen frå medlemsorganisasjonar i Noregs Idrettsforbund. Idrettsrådet skal også visa til prosess der brukargruppa har hatt høve til å medverka til innspelet og prioriteringa av desse. Dette skal vurderast:

1. Kva behov er det for anlegget. Har kommunen/nabokommunen tilsv. anlegget?
2. Kva aldersgruppe av innbyggjarane vil utgjera brukargruppa av anlegget?
3. Vil anlegget medføre at i dag fysisk lite aktive personar til å verta meir aktive?
4. Er anlegget tilgjengeleg for alle?
5. Kva konsekvensar har utbygginga og drifta for søkaren sin økonomi?
6. Idrettsrådet skal vurdere om det er andre anlegg/aktivitetar som bør prioriterast?

C 34 Folkehelsearbeidet og kommunen sitt ansvar jf. vedlegg nr 4

Kommunane er pålagde eit særleg ansvar for befolkninga si helse. *Kommunen skal:*

- fremja befolkninga si helse, trivsel, gode sosiale og miljømessige forhold og bidra til å førebyggja psykisk og somatisk sjukdom, skade eller liding, bidra til utjamning av sosiale helseskilnader og bidra til å verna befolkninga mot faktorar som kan ha negativ verknad på helsa.
 - fremja folkehelse innan dei oppgåver og med de verkemiddel kommunen er tillagt, m.a. ved lokal utvikling og planlegging, forvaltning og tenesteyting.
 - kommunen bør leggja til rette for samarbeid med frivillig sektor og andre aktørar.
- Kommunen skal vera merksam på trekk ved utviklinga som kan skape, eller oppretthalda sosiale eller helsemessige problem eller sosiale helseskilnader.

C 35 Utgreiingsarbeid – jfr. kommuneplanen sin arealdel**C 36 Rehabilitering**

Rehabilitering er ei oppgradering av anlegg som er meir omfattande enn det som kan reknast inn under ordinær drift og vedlikehald. Det er viktig å kunne argumentere med at anlegget gir tilgjenge for alle. Minstekravet for å søkja om tilskot til rehabilitering er:

- at det er utarbeida **tilstandsrapport**
- at anlegget er teken inn i denne planen
- at det er utarbeida plan og kostnadskalkyle for tiltaket, og det skal gå fram av planen at bakgrunnen for rehabiliteringa ikkje skuldast feil ved planlegginga, utføringa eller manglande vedlikehald frå anleggseigaren si side.

C 37 Kommunalt engasjement / drift av anlegg for friluftsliv

Eininga for miljø og naturforvaltning har ansvaret for merking og vedlikehald av tursti-ane, info-formidling og opparbeiding av turutgangspunkta. Kommunen har eit særleg ansvar for stirydding til Molden, og for turstien opp til Feigefossen.

Tema	Initiativ	Ansvar	Planleggar	Framdrift	Merknad
Feigum: • opparb./utviding av p-plass	LK	LK	LK	Gjennomføring: før 2027	Jfr. Kommunal plan for fysisk akt., osv sitt handlingsprog.
Sognefjordvegen S1: • opparbeiding av nye strekningar	LK	LK	Samarbeid m. Luster og Sogndal	Gjennomføring: før 2027	Jfr. Kommunal plan for fysisk akt. osv sitt handlingsprog.
Hafslovatnet rundt: • tursti rundt vatnet	LK	LK	LK	Gjennomføring: etter 2027	Kommunal plan for fysisk akt. osv.
Kilen (Dalsdalen): • utviding av p. pl.	LK	LK	LK	Gjennomføring: etter 2027	Jf. Kommuneplan
Generelt: • stadanalysen lanserte området langs Engjadals-elva som ein «elvepark»	LK	LK	LK	Gjennomføring etter 2027	Generell vurdering av aktuelle område Jf jf. Kommunal plan for fysisk akt..osv.

C 38 Nedlegging og ombruk av eldre anlegg

Etter forskrifter og vilkår om tilskot av spelemidlane til anlegg for idrett og friluftsliv har anleggseigaren plikt til å halda anlegget ope for idrettsleg aktivitet i 30 år frå ferdigstilling av anlegget (nærmiljøanlegg = 20 år). Dette medfører plikt til å drive på årsbasis, eller for dei idrettar som har faste sesongar, på sesongbasis.

Eigarar av anlegg som har fått spelemiddeltilskot, og som dei ynskjer skal leggjast ned eller brukast til andre aktivitetar før perioden er ute, gir skriftleg orientering om grunnen til nedlegging/ombruk før innspelsfristen til revisjon av planen. Kommunen vurderer innspela på lik linje med andre innspel.

Framlegg om nedlegging/ombruk vert innarbeida i handlingsprogrammet – den kortsiktige delen av denne planen. Etter godkjenning av planen gir kommunen melding til Kultur-departementet om endringa. Ordinære idrettsanlegg som ikkje får skriftleg førehands-godkjenning frå Kulturdept. kan ikkje leggjast ned / endrast bruk før etter 30 år.

D 1 Planar om nye anlegg

D 2 Anlegg som er planlagt nedlagt

Fylgjande anlegg er nedlagt (perioden 2023-2027): ingen
Fylgjande anlegg er planlagt nedlagt (perioden 2023-2027): ingen
Det er ikkje kome innspel på nedlegging/ombruk av anlegg i planperioden.

D 3 Registrering av innspel til planarbeidet

Presentasjon av innspel (2023)

pr. 07.23

I tillegg er vidareført (som innspel) dei prioriterte prosjekta som låg inne i gjeldande handlingsplan (2019 -2023), og som ikkje har fått løyvingar/utbetalt spelemidlar.

Innspel på ordinære idrettsanlegg og rehabilitering av anlegg:

innspela er lista under den anleggsklasse dei har i innspelet, medan prioriteringa og oppføringa i handlingsplanen korrigerer for formell status.
Sjå presentasjon neste side

Opplisting av:

Presentasjon av innspel med rådmannen sine kommentarar og prioriteringar og **Notat Innspel til tekstdelen i planen**, låg til grunn for formannskapet si handsaming om offentleg utlegging av framlegget til kommunal plan for fysisk aktivitet, idrett og friluftsliv 2024 – 2036, i F-sak 169/23, den 08.11. 2023.

D 4 Analyse og planstrategi

Den fireårige handlingsplanen (2024 – 2027) viser ei vekting og prioritering av nye **ordinære** idrettsanlegg jf. vedl.3. Anleggsinvesteringa i perioden er på kr 160 mill. På denne sektoren er det kalkulert med auka driftskostnader på kr 470 000. Den omsøkte finansieringa gjennom spelemiddelordninga utgjer for denne kategorien anlegg **kr 36 mill.** For **nærmiljøanlegg** viser omfanget av planlagde tiltak stor variasjon og eit sterkt lokalt engasjement for å utvikle nye tilbod. Det er her kalkulert med om lag **kr 4 mill.** i spelemidlar og ei samla anleggsinvestering på kr 11,6 mill..

Planprosessen har til no hatt fokuset på føresetnadene for å få godkjent det enkelte spelemiddel-tiltaket. Strategien vidare vert å tilpasse planane og å sikre finansieringa.

Vedtaket i kommunen sin økonomiplan om årlege løyvingar på kr 2,5 mill. til finansiering av nye anlegg er ein avgjerande faktor for kommunen sin planstrategi. Den totale kommunale finansieringa i planperioden er kr 10 mill. og med erfaring frå spelemiddelfinansieringa fram til no (2023) er det realistisk å rekne med ein 4 års vente-periode på å få vedtak om løyving av spelemidlar til ordinære idrettsanlegg. Utbetaling av kommunalt tilskot vil kunna skje etter framlagt status m. rekneskap. Planen, slik den er samansett, er i tillegg eit hjelpemiddel for dei som skal sikre kvaliteten på sine anleggsplanar. Gjennom den kommunale revisjonen av kommuneplanen sin arealplan er det nødvendig med koordinering med denne planen for tiltak der arealspørsmåla til no ikkje er avklåra. Ein slik plan har til no i mindre gard omfatta **organisering** og **utvikling** av lokal aktivitet. Til denne planen er det også utarbeida eit handlingsprogram: **Meir fysisk aktivitet.**

Det skal framleis vera eit overordna mål at dei anlegga som vert bygde med offentlege tilskot har ei forsvarleg drift og vert vedlikehaldne. Kommunen kan stille krav om status-rapport for anlegg som har fått tilskot til utbygging, og/eller søker tilskot om refusjon for drift og vedlikehald. I planprosessen er det avdekka planarbeid med større prosjekt som treng meir avklaring før det er aktuelt for prioritering og innarbeiding i anleggsplanen sitt handlings-program. Døme på dette er planarbeidet med turstien Skjolden sentrum – Wittgensteintavla ved Eidsvatnet, Sogn Skisenter og fleirbrukshall på Hafslø.

Det regionale perspektivet i dette planarbeidet har vist eit visst behov for å styrke samarbeidet på tvers av kommunegrenser og organisasjonsgrenser. Effekten, av eit sterkare interkommunalt samarbeid, utløyser eit tillegg på 30% av ordinært tilskot under føresetnad av at:

- a) anlegget er eit større kostnadskrevjande anlegg,
- b) det ligg føre bindande skriftlege avtalar mellom to eller fleire kommunar om investering og drift,
- c) dersom andre enn ein kommune står som søker/anleggseigar, vil det vera eit vilkår at deltakande kommunar inngår bindande skriftlege avtalar med anleggs-eigar vedkomande investering (5%) og drift (5% av faktiske kostnader i 20 år).

Det vidare arbeidet vil også ta omsyn til endringar i føresetnadene for kommunal medfinansiering og tilskot til drift. Rullering av handlingsprogrammet kan gjennomførast årleg med grunnlag i dei innspela som er tekne inn i planen.

E 1 Kort- og langsiktig planperiode

Kommunal plan for fysisk aktivitet, idrett og friluftsliv er underlagt økonomiplanen.

E 2 Budsjettet for 2024 og økonomiplanen 2024 – 2027 viser ei slik fordeling:

Budsjett		2024	2025	2026	2027
14710.108.23101	Aktivitetstilskot (alle lag/org)	400.000	400.000	400.000	400.000
14710.108.38002	Tilsk. drift/vedlikehald idrettsanlegg	610.000	610.000	610.000	610.000
	Miljøtiltak - oppf. av frilftsplanen	150.000	150.000	150.000	150.000
14801.108.38160	Lustrabadet – driftstilskot	2.266.000	2.266.000	2.266.000	2.266.000
	Lustrabadet – kjøp av tenester skule	? 000	? 000	? 000	? 000
13702.108.38064	Sogn skisenter – driftstilskot	1030.000	1030.000	1030.000	1030.000
108.38180	Jostedal samfunnshus – netto drift	403.000	403.000	403.000	403.000
	Jostedal samfunnshus – tekn.drift	340.000	337.000	337.000	337.000
108.38160	Lustrahallen - netto drift	310.000	310.000	310.000	310.000
	Lustrahallen – tekn. drift	592.702	589.000	589.000	589.000
38601	Fjordstova netto betaling for teneste	957.000	957.00	957.000	957.000
380101	Tilskot til bygging av priv. anlegg	2 500.000	2.500.000	2.500.000	2.500.000
	Folkehelse - driftsramme	1 720.000	1.720.000	1.720.000	1.720.000

I tillegg til dei ulike tilskotsordningane er det også eit vesentleg "tilskot" at kommunen stiller offentlege lokale gratis til disposisjon der det er eit fungerande brukarstyre.

E 3 Handlingsplan for anlegg (nybygging)

For å få tilskot til nybygg, rehabilitering og større vedlikehald skal tiltaka vera lista i handlingsplanen for anlegg før utlegging av planen til offentlig ettersyn. På denne måten vert tilskotsordninga lettare å forstå, meir oversiktleg og planen kan få ei kortare revisjonstid.

E 4 Handlingplan for anlegg 2024 – 2027

Planen i tabell vert framstilt på dei neste sidene

E 5 Anleggsbehov – langsiktig del etter 2027

Oversikten er teken inn i handlingsplanane for nærmiljøanlegg og ordinære anlegg.

E 6 Handlingsplan for meir fysisk aktivitet

I omgrepet aktivitet er også årlege budsjetterte, kommunale tilskot (grunnstønad) til lag og organisasjonar og refusjon for drift og vedlikehald av bygg og anlegg (sjå D2). I komande planperiode vil kommunen prioritere søknader som er samanfallande heilt eller delvis med «Tiltak i perioden».

E 7 Anlegg som er styrt av regional plan for Vestland

er i samsvar med *Anleggspolitikk og kriterier for tildeling av spelemidler til anlegg for fysisk aktivitet, idrett og friluftsliv for Vestland fylkeskommune 2024 – 2027*.

Vedlegg til planen:

- 1: Handlingsplan for Meir fysisk aktivitet:
Tilrettelegging, Tilgang og Kunnskap
- 2: Handlingsplan for *Nærmiljøanlegg* 2024 - 2027
- 3: Handlingsplan for *Ordinære idrettsanlegg* 2024 -2027
- 4: Målsetjingar for *folkehelsearbeidet* i Luster kommune
- 5: *Medlemskap* i lokale organisasjonar pr 01.2019
- 6: *Tilskotsreglement* for kommunen 2023-2026 og spelemidlar
- 7: *Anleggsregister* - sjå web-side for www.luster.kommune.no

Handlingsplan Meir Fysisk aktivitet 2024 –

Tilrettelegging:

Tiltak i perioden

Ref. tekstdel strategi og satsingsområde

Tilgang til fiskeplassar Ansv.: Luster kommune + samarbeidspartar	Informera stønadsordningar(fiskefondet) Kommunen katalysator for fjordfiskeplassar. Kommunen yter tilskot til fiskeplassar ved høg fjellsvatn, grunneigar/frivilligheita bør vera katalysator.	C 32 - 7
Auke fjordaktivitet/-ar Ansv.: Luster kommune + samarbeidspartar	Det er eit mål for kommunen å leggja til rette for ein meir aktiv bruk av fjorden og Hafslovatnet til friluftaktivitetar for alle, men særleg for born og ungdom.	C 30 – 3 / C 32 - 7
Jakt og fiske for ungdom Ansv.: Luster kommune + samarbeidspartar	Informere om introduksjonsjakt-tilbodet som Luster jeger og fisk arrangerar	C 32 – 5
Felles arrangement (4 årstider) Tine-stafett, friidrettsdag, snø- Holetur Ansv.: Luster kommune + samarbeidspartar	Kommunen vil prioritere tiltak som legg til rette for felles arrangement og opplegg som friidrettsdag(ar), «snø-hole-turar» og «kajakk-kurs»	C 30 – 3
Parkeringsplassar ved turutgangspkt. Ansv.: Luster kommune	Kommunen skal fylgja utviklinga og behovet for ev. utvidingar for dei bygde parkerings- plassane. Behovet pr. i dag er størst ved Feigum, på Berge i Luster, ved Tungestølen på Veitastrond og i Mørkridsdalen, Skjolden.	C 32 – 1
Uteområda ved skulane Ansv.: Luster kommune	Det skal gjennomførast ei kartlegging og vurdering av behovet for tiltak for å heva kvaliteten på uteområda ved skulane og tilgangen til gode område for ute-skule.	C 28 - 3

Ref. tekstdel
strategi og
satsingsområde

Tilgang:**Tiltak i perioden**

Auka talet friluftslivsanlegg Ansv.: Luster kommune + samarbeidspartar	Potensialet for utbygging av friluftslivsanlegg er stort, og kommunen set eit mål for å rusta opp minst 10 anlegg i perioden.	C 32 – 7 + 8
Universell utforming av anlegga Ansv.: Luster kommune	Kommunen vil yta assistanse i planarbeidet med å gjera anlegga universelt utforma	C 32 - 7
Sikre gratis bruk av kom.anlegg Ansv.: Luster kommune	Ordninga med gratis bruk av kommunale anlegg held fram i perioden.	C 26 - 7
Kart i app Ansv.: Samarbeidspartar	Inntil vidare vil kommunen rå til å bruke t.d. Ut.no	C 32 – 2
Sentrumsnære turveggar Ansv.: Luster kommune	Luster kommune vil i planperioden prioritere tiltaka i Skjolden, Høyheimsvik, Gaupne og på Hafslo.	C 30 – 1 + 5
Felles fiskekort Ansv.: Luster kommune	Kommunen vil prioritere informasjon om tilbodet og arbeide for at fleire blir med i prosjektet.	
Ha funksjon som sosial treffstad Ansv.: Eigarane av nærmiljøanlegga	Kommunen legg særleg vekt på at nærmiljøanlegga også skal vera ein sosial treffstad	C 26 - 5
Oppretthalde kvaliteten på eksisterande anlegg Ansv.: Luster kommune	Refusjonsordninga for drift og vedlikehald er viktig for å hindre forfall av anlegg. Kommunen vil leggja vekt på inspeksjonar av anlegg som vert rapporterte å vera i kritikkverdig tilstand. Spelemidlar kan i enkelte tilfelle bli trekte inn att.	C 26 – 3

Kunnskap:**Tiltak i perioden**Ref. tekstdel
strategi og
satsingsområde

Organisere utflukter i / for grunnskulen Ansv.: Luster kommune	Grunnskulen i Luster har eit ansvar for å arrangere utflukter m.a. for å gjera elevane kjende med Lustra-naturen,	C 32 - 9
Lokal kompetanseheving om fysisk aktivitet, fag-team Ansv.: Luster kommune	Luster kommune vil prioritere tiltak/opplæring for lokale fag-team	C 8
Brevandring med fokus på klima i DKS, kopla til fleire fag Ansv.: Luster kommune	Luster kommune vil prioritere midlar frå Lokal plan i Den Kulturelle Skulesekken til klimarelaterte problemstillingar i skulen	C 9
Skuledagar med tema (DKS) Ansv.: Luster kommune	Gjennomføre tiltak i samsvar med godkjent Lokal plan i Den Kulturelle Skulesekken	C 30 - 4
Skuletimar med fysisk aktivitet Ansv.: Luster kommune	Luster kommune vil satse på meir fysisk aktivitet i skulane ved å prioritere: • Tiltak som aukar interessa for kvardagsfriluftslivet, dvs. fysisk aktivitet i nærområde som ikkje krev kostbare anlegg. • Satsing på nye aktivitetar som fengjer dei som i dag er lite fysisk aktive. Framfor alt gjeld dette aktivitetar som er populære blant ungdom. • Felles «skule-idretts-dagar»	C 30 – 5 C 30 – 3 C 30 – 4

Oppdatert handlingsplan pr. 19.01.2024

= korr. kostnad

= ferdig finansiert m. tilskot

= korrigert etter revidert rekneskap

HANDLINGSPAN FOR ANLEGG 2023 - 2027

K = kommune, ST/F = spelemidl., PR/EF = priv. del /+ tilsk. 2021 = korrigert etter godkjent søknadss ST/F

Ordinære

Sum kostnader og finansiering (i heile 1000 kr), og oppdatert finansierungsplan etter godkjent søknadssum

Idrettsanlegg				Kostnad			Drift			Finansiering			2024			2025			2026			2027		
Anl.nr:	Anlegg	Stad	Ansv.	Invester	drift	K-tilsk	ST/F	PR/EF	K	ST/F	EF	K	ST/F	EF	K	ST/F	EF	K	ST/F	EF	K	ST/F	EF	
33998	Rehab. symjebasseng	Fjordstova,Skjold	Luster K	10 567	?	?	0	3 522	0	1 761	0													
50979	Motorsport - Trail	Leirmo, Gaupne	il. Bjørn	347	15	111	116	110	0	116	0													
75552	Hestesportanlegg	Fluga,Hafslo	Hafslo il.	1 133	?	377	378	462	0	378	462													
75061	Båthus - kajakknaust	skulen Hafslo	Luster k	3 547	?	?	0	1 178	3 323	0	1 161	3 323												
41482	Hafslo stadion, Lysanl.	Moane, Hafslo	Hafslo il.	1 785	?	583	587	615	583	587	615													
47570	Rehab. storetrekket	Heggmyrane,Hafs	Sogn skis.	2 628	5	876	876	876	512	876	876													
17419	Oppgrad K10 Hopp	Heggmy Hafslo	Hafslo il	1 602	40	534	534	534				534	534	534										
17420	Oppgrad K20 Hopp	Heggmy Hafslo	Hafslo il	5 670	63	1890	1890	1890				1890	1890	1890										
									1 095			2 424			0			0						
74932	Sti S1 Hillestadst.-Oklev	Hafslo	Luster K	2 835		0	1 250	1 588	0	1 250	1 588													
50983	Motorcross C bane	Leirmo, Gaupne	il. Bjørn	5 097	25	1700	1700	1697	500	1 700	1697	1200												
73905	Idretts-og servicehus	Turtagrø	Fanaråk	5 129		1 764	1 300	2 065	264			0	1 300	2 065										
73380	Tursti Krossen -Y.Eikum	Ytre Eikum	Luster Turl.	180	5	60	90	30				60	90	30										
81666	Pumtrack-anlegg	Gaupne	Bjørn	2 100	15	700	700	700	700	700	700							0						
									2 559			3 684						0						
82023	Sanitæranl. bade plass	Luster	Luster k	1 162	?	?	0	387	776						0	387								
78283	Sti Nyestølen-Midtnovi	Veitastrand	S&Fj Turl	278	5	0	104	174	0	104	174													
58888	Sprintløype 1,5+0,6+Fas.	Heggmyrane	Sogn skis.	12 600	0	4 200	4 200	4 200				500	4 200	4 200	3 700	0	0				498	498	499	
50985	Rehab servicehus	Luster idr.park	Bjørn	1 495	30	498	498	499																
81654	Sti Tungest.-Slingsbyvård	Veitastrand	S&Fj Turl	565	5	0	250	174	0	250	316													
ikkje tildelt	Sti Kreken- Bresent.	Jostedal	Jostedal bl	420	15	120	145	145													120	145	145	
									2 559			4 184			3 700			618						
50997	Sti Hafslovatnet rundt	Hafslo	Luster K	2 242	?	?	0	1 121	1 121									0	1 121	1 121				
50991	Sti S1 Skjolden-Wittg.tav.	Skjolden	Luster K	12 568	20	0	2 000	10 568										0	2 000	10 568				
76948	Hoppbakke K45	Heggmyrane, Hafslo	Hafslo il.	11 000	200	3 666	2 400	4 934										2 000	2 400	4 934				
ikkje tildelt	Fleirbrukshall	Hafslo	Luster k	73 000	?	0	10 000	63 000				0	10 000	35 500										
50984	Klubbhus motorsport	Leirmo,Gaupne	il. Bjørn	1 660	25	553	553	553													553	553	553	
																		2 553						
Sum:				159 610	468	17 632	35 779	100 034	2 559	8 883	10 527	4 184	18 014	44 219	3 700	387	0	3 171	6 717				17 820	

Note 1: Fleirbrukshall, Hafslo eiga finanssak i ØK Note 2: Rehab symjebass.Fjordstova eiga finanssak i ØK- Note 3: Båthus - kajakknaust eiga finanssak i ØK - planen

Målsetjingar for folkehelsearbeidet i Luster kommune.

Vedteke av kommunestyret 21.04. 2016

VEDTAK:

1. Kommunestyret tek Folkehelseoversikt - Luster kommune til orientering.

2. Kommunestyret vedtek mål for folkehelsearbeidet i Luster kommune;

- 2.1. Ta vare på og synleggjere naturgjeve kvalitetar som lett tilgang til fri natur, gode moglegheiter for allsidig friluftsliv heile året, rein luft, lite støy og godt drikkevatt.
- 2.2. Ta vare på og vidareutvikle den store og gode ressursen Luster har i form av eit rikt lag og organisasjonsliv, og arbeide aktivt for at alle innbyggjarane kan delta i slike tilbod.
- 2.3. Arbeide aktivt for gode oppvekstvilkår med like moglegheiter, med særskild satsing på:
 - * Tidleg innsats frå helsestasjon med til dømes rettleing i god foreldrekompetanse.
 - * Vidareutvikling av arbeidet med psykososialt miljø i barnehage, skule og SFO.
 - * Godt samarbeid om overgangen til - og gjennomføringa av vidaregåande skule.
- 2.4. Arbeide for å snu den negative utvikling med auka vekt hjå barn og unge, under dette:
 - * Leggje til rette for mykje - og variert fysisk aktivitet i barnehagane.
 - * Vidareføre lokal oppfølging av nasjonale føringar om registrering/kartlegging av vekt i 3. og 8. klasse – og god oppfølging av kartlegginga.
 - * Gjennomfør e eit utviklingsarbeid der målet er minimum 1 time fysisk aktivitet kvar dag for elevane i grunnskulen i Luster, gjerne i kombinasjon med andre fag - samt vidareutvikle innhaldet i timane som er sett av til fysisk aktivitet.
 - * Sjå til at barn og ungdom og deira foreldre får opplæring i kva rett kosthald betyr for kropp og helse.
- 2.5 Arbeide for at alle grupper av befolkninga kan delta i ulike aktivitetstilbod gjennom å legge til rette for sosiale møteplassar, stimulere til nettverksarbeid på tvers av kultur og alder – og støtte opp om eigenorganiserte aktivitetar.
- 2.6 Bruke dei verkemidla kommunen rår over i samarbeid med innovasjon Norge og NAV for å oppretthalde og etablere attraktive arbeidsplassar.
- 2.7 God kunnskap om førebyggjande og helsefremjande arbeid skal gjennomsyre alt planarbeid og aktuelle planar skal så langt som mogleg følgjast opp med konkrete tiltak.
- 2.8 Følgje med på utviklinga i høve diabetes type 2, og vurdere konkrete tiltak dersom den negative utviklinga held fram.
- 2.9 Ta i bruk lokal skaderegistrering og utvikle eit godt kunnskapsgrunnlag om årsaker til personskader, som igjen skal brukast ved vurdering av førebyggjande tiltak.
- 2.10 Møte auken i tal eldre ved å leggje til rette for mest mogleg eigenmeistering og aktiv deltaking i samfunnslivet, samt gjennomgåande førebyggjande tenking ved planlegging, utforming og tildeling av tenester.

3. Vedtekne mål og strategiar skal synleggjerast gjennom øvrige planar .

05: Medlemskap i lokale organisasjonar

Luster kommune har i forhold til folketallet pr. **01.01. 2023: 5 190**, mange organisasjonar.

Registrerte betalende medlemmar:

Idrettslag/bedriftsidrettslag:	2023	u. 20 år	2018	u.20 år
Hafslo idrettslag	680	321	675	333
Idrettslaget Bjørn	775	342	644	308
Idrettslaget Fanaråk	214	102	171	43
Luster idrettslag	205	74	103	35
Veitstrond idrettslag	157	44	76	29
Fortun bedriftsidrettslag	x	0	0	0
Stabil (Statkraft BIL)	X	0	0	0
Sum:	2031	883	1669	748
Skyttarlag/skyteklubber:	2023	u. 20 år	2018	u.20 år
Dalane og Jostedal Skyttarl.	X	0	0	0
Fortun Skyttarlag	X	0	71	0
Kinserdal Skyttarlag	X	0	0	0
Gaupne Skyttarlag	X	0	0	0
Hafslo Skyttarlag	193	29	217	32
Indre Hafslo Skyttarlag	X	0	0	0
Veitstrond Skyttarlag	X	0	0	0
Indre-Hafslo Skyteklubb	X	0	0	0
Luster Sportskyttarlag	X	0	30	0
Sum:	193	29	318	32
Andre friluftslivsorganisasjonar:	2023	u. 20 år	2018	u.20 år
Luster Jakt og Fiskelag	X	X	225	36
Luster Turlag	564	102	597	140
Luster Røde Kors				
Sogn Paraglider Klubb				
Sogn Cykleklubb				
Sogn Snow Surfers				
Jostedal Nutleikarlag				
Luster Hundeklubb	X	X	155	2
Skjolden og Fortun Båtlag				
Marifjøra Vel, Småbåtlag	58	14	58	5
Gaupne Båttforening	X		47	0
Høyheimsvik Båtlag	X			
Luster 4 H-nemnd (6 lokale klubbar)	107	107	116	116
Sum:	729	102	1198	299
Totalt:	2953	1014	3185	1079

**Luster kommune****Politisk sekretariat**

Notat

Til	Erling Bjørnetun, Perdy Hesjevoll
Kopi til	
Vår ref.	23/388-10
Saksbehandlar	Anita Bjørk Ruud
Dato	27.04.2023

Ungdomen sitt kommunestyre sitt innspel til Kommuneplanen for idrett, fysisk aktivitet og friluftsliv

Ungdomen sitt kommunestyre har handsama denne saka i to møte. Den 13.03 hadde dei idedugnad på spørsmål utarbeida av Erling Bjørnetun.

I møte den 25.04.23 gjorde dei prioriteringar med utgangspunkt i idedugnaden og tilråding frå UK sitt arbeidsutval.

UK sitt innspel vart vedteke i møte den 25.04.23 i sak 24/23:

1. Handlingsplan for meir fysisk aktivitet.

Kva meiner UK er viktig å planlegge for at barn og unge skal bli meir fysisk aktive? Kva bør tilretteleggast betre? Er det aktivitetar som de ynskjer enklare/lettare tilgang til? Kva kunnskap meiner gruppa må prioriterast for at unge skal forstå at dette er eit «alvorleg» tema?

- God informasjon om kor viktig der er å vere fysisk aktiv. Prioritere fysisk aktivitet i barnehage og skule
- Bruke ungdomsklubbane og anlegga rundt.
- pumptrack/sykkel
- alternative leikar/lågterskel. Tilbod for 8 kl - til og med vidaregåande. Eit tilbod for dei yngre.
- generasjonstreningar
- gode anlegg i nærleiken, tilrettelagt for funksjonshemma
- lettare tilgang til turn

2. Handlingsplan for nærmiljøanlegg

Kva saknar de der de bur? Har de aktive bygdelag som kan søke på spelemidler og stå for drifta av anlegga?

- oppgradere nærmiljøanlegga/betre vedlikehald på dei anlegga som er i kommunen (døme: mange stader er basketkorger øydelagde, volleballsand dårleg, fangnett utslitne...)
- terrengsykkel/pumptrack
- volleyball
- legge til rette for fotball på Sørheim
- badeplass/vassanlegg

3. Handlingsplan for ordinære idrettsanlegg

Er det anlegg de, gjennom dei lokale idrettslaga, også kan utvikle for brukarar utanfor kommunen?

- anlegg for turn
- betongpark

Anita Bjørk Ruud
sekr. for UK

**Luster kommune****Politisk sekretariat**

Notat

Til	Perdy Hesjevoll
Kopi til	
Vår ref.	23/388-5
Saksbehandlar	Anita Bjørk Ruud
Dato	01.03.2023

Eldrerådet sitt innspel til kommunal plan for idrett, fysisk aktivitet og friluftsliv

I møte den 27.02.23, sak 7/23 er følgjande protokollert:

Handsaming:

Eldrerådet drøfta at det er viktig å ha tilkomst til turveger i alle nærområde og at gamle ferdaveger må bli tekne vare på, både som kulturminne og som rekreasjonsområde.

Framlegg i møtet vart samrøystes vedteke:

Vedtak:

Eldrerådet har følgjande innspel til planen:

- Gamle ferdaveger må bli tekne vare på, skilta og lagt til rette for bruk.
- Det bør leggst dekke på gangvegen ved ellevollen i Gaupne slik at personar i rullestol og dei som trillar barnevogn lettare får tilgjenge. Liknande standard som turvegen til Marifjøra.
Nokre gangveger kan med fordel ha godt, fast grusdekke. Det er bra at det i fleire nærområde er alternativ til asfaltveger for turgåing.

Anita Bjørk Ruud
Skr. for eldrerådet



Saksframlegg

Saknr.	Utval	Møtedato
18/24	Formannskapet	07.02.2024
07/24	Kommunestyret	15.02.2024

Kommunal plan for fysisk aktivitet, idrett og friluftsliv 2024 - 2035

Rådmannen si tilråding:

Luster kommune vedtek framlegget til Kommunal plan for fysisk aktivitet, idrett og friluftsliv 2024 - 2035 slik den ligg føre med handlingsplanar.

Kommunestyret 15.02.2024

Handsaming:

Formannskapet si tilråding vart samrøystes vedteke.

KOM - 07/24 vedtak

Luster kommune vedtek framlegget til Kommunal plan for fysisk aktivitet, idrett og friluftsliv 2024 - 2035 slik den ligg føre med handlingsplanar.

Formannskapet 07.02.2024

Handsaming:

Rådmannen si tilråding vart samrøystes vedteken.

FSK - 18/24 vedtak

Luster kommune vedtek framlegget til Kommunal plan for fysisk aktivitet, idrett og friluftsliv 2024 - 2035 slik den ligg føre med handlingsplanar.

Samandrag:

Planutkastet som vart vedteke av formannskapet den 8. november 2023 har vore utlagt på offentleg høyring med frist for merknader 22. desember 2023.

Det er ikkje teke inn endringar i planen som tilseier at det er naudsynt med ny utlegging.

Utval som har vedtaksmynde: Kommunestyret

Fakta:

Etter at planen vart lagt ut på høyring har det komme inn fleire merknader.

Vestland fylkeskommune ved avdeling for kultur og folkehelse har fleire kommentarer til planen. Fylkeskommunen etterlyser meir informasjon om behovet for anlegg i framtida og kva aktivitetar som er populære i dag.

Planen vil bli styrka, om ein tek med korleis ein sikrar at flyktningar får delta i idrett og fysisk aktivitet og korleis kommunen vil leggje til rette for at personar med nedsett funksjonsevne kan komme meir i fysisk aktivitet.

Dei peiker på at det er viktig å sjå dei ulike planane kommunen har, i samanheng.

Til slutt etterlyser dei ein heilskapleg strategi for korleis ein vil forvalte dei store friluftsområda i framtida sidan ein ser for seg auka bruk og endra klima.

Statens vegvesen ved transport og samfunn oppmodar til å sjå planen og dei tiltaka den legg til rette for i samanheng med arealbruken det vert lagt opp til i pågåande arbeid med revisjon av arealdelen. Der folk bur og stader for fysisk aktivitet, idrett og friluftsliv må sjåast i samanheng slik at flest mogleg kan gå og sykle til aktivitetar og på trafikktrygg veg.

Planlagt arealbruk av alle slag, må sjåast i samanheng slik at det ikkje vert bygt trafikkfarlege situasjonar inn i samfunnet med trafikktrygg avkøyrsløse frå veg til dømes krav til sikt.

Behov for parkering bør også vurderast i desse områda.

Statsforvaltaren i Vestland har komme med svar at dei ikkje kan prioritere å komme med merknader i saka.

Luster eldreråd saknar lokale for å drive aktivitetstilbod på dagtid. Eldrerådet vil også minne om innspel som eldrerådet hadde til planen tidlegare i prosessen: Gamle ferdaveger må bli tekne vare på, skilta og lagt til rette for bruk. Det bør leggjast dekke på gangvegen ved elvevollen i Gaupne slik at personar i rullestol og dei som trillar barnevogn lettare får tilgjenge. Liknande standard som turvegen til Marifjøra. Nokre gangvegar kan med fordel ha godt, fast grusdekke. Det er bra at det i fleire nærområde er alternativ til asfaltvegar for turgåing.

Rådet for personar med funksjonsnedsetting minner om at utforminga av anlegga som kjem med i planen, må vera universelt utforma. Dette må skje på ein slik måte at dei kan brukast av alle menneske, i så stor utstrekning som mogeleg, utan behov for ei spesiell utforming. Anlegg skaper aktivitet og betre folkehelse. Organisasjonane sine ønskje om nye anlegg er større enn budsjettet økonomisk ramme, og rådet oppmodar om at kommunal tilskotsramme vert auka då dette gjev meir anlegg. Vidare medfører dette større ansvar for organisasjonane og medverknad for drift og vedlikehald. Frivillig arbeid er dessutan inkluderande og byggjer meir sosialt samhald.

Ungdommens kommunestyre (UK) meiner at det er god anleggsdekning.

Døme på manglar/forbetringar: Fleire dansesalar. UK er begeistra for fleirbrukshall og planar for "høgt og lågt Dei ulike anlegga kan marknadsførast betre.

For at barn og unge skal bli meir fysisk aktive må kommunen ha gode aktivitetstilbod, informere godt om tilbod, oppmode til å vere sosiale, vere aktive i lag. Fleire lågterskeltilbod, transportordningar, gratistilbod, støtteordning til deltaking på treningssenter og tilrettelegging for alle. Arrangere ulike type turneringar

For å sikre langsiktig drift og aktivitet i anlegga må ein gjere godt vedlikehaldsarbeid for å oppretthalde kvalitet på anlegga og informere betre om anlegg og aktivitetstilbod. Gjerne meir lågterskeltilbod.

Kommunen bør gje råd til bygder og idrettslag og deira frivillige slik at dei er trygge i dei rollene dei tek på seg.

Luster Idrettsråd meiner det er viktig at anlegg som er med i gjeldande handlingsplan og som har vore prioriterte i førre periode, også vert vidareført i ny handlingsplan for 2024-2027.

I gjeldande handlingsplan var også Hoppbakke K45 Heggmyrane med, Hafslo IL. Det har vore diskusjon i Luster Idrettsråd om hoppbakke K45 bør vere med i den komande fireårige handlingsplanen. Vi støttar likevel at anlegget bør vere med vidare i ny handlingsplan, då det tidlegare har vore prioritert. Luster Idrettsråd registrerer at anlegget er kome med seint i perioden i høyringsframlegget (2027), og vi vil oppmode Hafslo IL og Sogn Skisenter om å avklare vidare framdrift for dette anlegget så snart som mogleg i komande planperiode.

Idrettsrådet meiner at også freeski-anlegget bør kome med i neste planperiode, då både dette og dei andre anlegga er svært viktige anlegg for rekrutterande aktivitetar for born og unge i Luster kommune. Her meiner vi at politikarane bør vurdere å auke den økonomiske ramma for å finne plass til alle anlegga i oversikta.

Av nærmiljøanlegg K 5 Hoppbakke heilårsanlegg Heggmyrane og Høgt og lågt Heggmyrane ikkje komme med. Også desse anlegga er svært viktige anlegg for rekrutterande aktivitetar for born og unge i Luster kommune, og det er flott at dei er komne med som prioriterte anlegg i neste fireårige planperiode. Vi støttar dette.

Innspel til andre anlegg: Luster Idrettsråd registrerer at det er mange flotte stiprosjekt som ligg inne i høyringsframlegget som «ordinære anlegg». Vi er positive til at stiprosjekt vert prioritert med tanke på aktivitet og folkehelse, men då må stiprosjekt i «nærmiljøet» prioriterast, og ikkje kostbare prosjekt som er utilgjengelege for folk flest. Om ikkje den økonomiske ramma vert auka slik at det vert plass til freeski-anlegget i komande periode, bør ein vurdere å nedprioritere dei mest «avsidess» stiprosjekta slik at freeskianlegget kan prioriterast.

Vassbakken kro og camping har sendt inn merknad til planen der dei skriv at dei ser ein aukande bruk av turstien mellom Skjolden og Wittgensteintavla og vidare til Åsafossen. Dette spesielt i samband med cruiseanløp i Skjolden. Det er et skrikande behov for toalett-tilbud for dei som nyttar stien og også søppelhåndtering. Vassbakken opplever stadig at folk tek seg til rette og gjer sitt fornødne utandørs og dei tre siste åra har dei opplevd at dørane til toalettanlegg for campingturistane blir brote opp av fotturister som nyttar turstien frå Skjolden. Dersom kommunen vil satse på turisme og cruisetrafikk vil investeringar i slike tiltak lønne seg i lengden for både kommunen og reiselivsnæringen i form av turistar som gjev gode tilbakemeldingar.

Vurdering:

Planarbeidet som ligg bakom ein prosess og ein ferdig kommunal plan for fysisk aktivitet, idrett og friluftsliv er både omfattande og ikkje minst tidkrevjande. Ein viktig føresetnad for framdrift i prosessen er avhengig av at formelle avklaringar og føresetnader vert forstått av dei som er partar i planarbeidet. Samtidig er det også ei oppgåve for ein kommune å ta omsyn til dei utfordringar og problem som tillitsvalde og medarbeidarar i frivillige organisasjonar har møtt på. Denne forma for planlegging er gjerne ikkje mellom dei mest vanlege gjeremåla til tillitsvalde. Noko som også kan forklare at stramme tidsplanar fungerer best «på papiret».

Av innspela som har kome til i høyringsrunden, med frist 22. des. 2023, kan kort kommenterast:

Vestland fylkeskommune: Det har vore og er framleis ein vesentleg del av planprosessen å føre ein dialog mellom partane, både direkte med den personen som er engasjert i den lokale organisasjonen og ikkje minst i Luster idrettsråd sine møtefora, om det reelle behovet for anlegg. Denne kartlegginga viser att i planen sine underkp. om prioriterings-kriterie: C26, C28, C30, C32 og C33. Dei ulike handlingsplanane som er fire-årige viser konkret til korleis kommunen vurderer behovet på kort og litt lengre sikt utover fireårsperioden 2024-2027. Den heilheitlege strategien for korleis kommunen vil forvalte dei store friluftsområda i framtida er viktig å ta tak i, og bør også få prioritet i overordna planarbeid framover.

Statens vegvesen: TTE (teke til etterretning).

Luster eldreråd: TTE. Merk: Ledige tidspkt. på dagtid i idrettshallen vil kunna disponerast etter avtale direkte med hallen

Rådet for pers. med funksjonsnedsetting: TTE. Merk: Den økonomiske ramma for kommunal medverknad i finansieringa har endra seg negativt etter utlegginga av høyringsnotatet, frå kr 3,0 mill årleg til kr 2,5 mill. jf. Budsjett 2024. (Ramma på 2,5 mill vert vurdert som realistisk i høve framdrift på prosjekt.)

Ungdommen sitt kommunestyre (UK): TTE. Merk: Rådmannen deler vurderinga om å satse på fleire lågterskeltilbod, og viser til at det i handlingsplanane er prioritert anlegg som Båthus/kajakkaust, hestesportanlegg, heilårsanlegg for hopp K5,K10 og K20, Pumptrack-anlegg, Tuftepark og «Høgt og lågt»-klatrepark i tillegg til fleire turstiar.

I tillegg til dei anlegga som er lista i handlingsplanane for nærmiljø-anlegg og ordinære idrettsanlegg vil rådmannen også rå til at det i samband med planen for utbetringa av FV 55 vert teke inn «gang- og sykkelveg», turveg mellom Nes og Høyheimsvik (etter 2027).

Turstien Haugabrui – Hotla, som vart innvilga kr 600 000 i spelemidlar i 2023, men som ikkje er ferdig bygt vert ståande i planen. I prosessen fram mot politisk handsaming har Luster Turlag også kome med informasjonar om at fleire tiltak lista i den langsiktige delen (etter 2027) går ut or planen. Desse er no strokne i samsvar med nemnde melding.

Grunnlaget for kommunalt tilskot til drift og mindre vedlikehald av anlegg sjå pkt C20 i planteksten vil også få konsekvens for praktiseringa av Reglement for tilskot til kulturføremål

der det no i planen vert differensiert mellom ordinære idrettsanlegg og anlegg for friluftsliv.

Rådmannen ser det som viktig at brukarane av denne planen, tillitsvalde og dei som er engasjerte i kommunalt planarbeid på dette feltet får god opplæring og erfaringsoverføring. Dette er også ein aktivitet som Luster kommune vil engasjere seg i vidare og i samarbeid med Luster idrettsråd.

Handlingsplanen vil det vere naturleg å revidere, gjerne anna kvart år, etter korleis framdrift i dei ulike prosjekta vert.

Vedlegg

2024 01 Kommunal plan for fysisk aktivitet idrett og friluftsliv 2024-36 pr 22.01.24

Dokumenter

-  [Kommunal plan for fysisk aktivitet, idrett og friluftsliv 2024 - 2035](#) (Hoveddokument, 118KB)
-  [2024 01 Kommunal plan for fysisk aktivitet idrett og friluftsliv 2024-36 pr 22.01.24](#) (Vedlegg, 986KB)

Vedtak

Luster kommune vedtek framlegget til Kommunal plan for fysisk aktivitet, idrett og friluftsliv 2024 - 2035 slik den ligg føre med handlingsplanar.

Behandling

Formannskapet si tilråding vart samrøystes vedteke.